

**2022-mi akileraarutitigut ilanngaatisat il.il. imatut angissusilerneqarnissaannik Inatsisartut aalajangiiffigisassaattut siunnersuut:**

1. Inummut ilanngaat.....kr. 48.000 (ukiumut)
2. Ilangaat aalajangersimasoq.....kr. 10.000 (ukiumut)
3. Aningaasarsiat B-t akileraaruteqaataasussaannigitsut.....kr. 5.000 (ukiumut)
4. Killilimmik akileraartussaataasunut ilanngaat.....kr. 1.000 (ukiumut)
5. Kommunitut ataatsimut akileraarut.....6%

**Akissuteqaat**

(Aningaasaqarnermut Nunamullu Namminermt Naalackersuisoq)

**Aappassaaneerneqarnera**

Aningaasaqarnermut Akileraartarnermullu Ataatsimiititaliap 2022-mi akileraarutitigut ilanngaatisat ilaalu ilanggullugit inissinneqarnissaannik Inatsisartut aalajangiiffigisassaattut siunnersuutip aappassaaneerneqarnissaanut isumaliutissiissuteqarnerat Naalackersuisut qujassutigaat.

Siullermeerinninnermi akileraartarnermut immikkoortumi aaqqissuusseqqinnissamut ilapittuinissamut atituumik soqutiginnittoqarnera Naalackersuisut paasivaat. Tamanna Naalackersuisut naligiinnerunissamik inuuniarnikkullu atukkat pitsaanerulernissaannik qulakkeerinninniarlutik aaqqissuusseqqinnissamik anguniagaqarnerannut naapertuuppoq. Taamattaaq Aningaasaqarnermut Akileraartarnermullu Ataatsimiititaliap akileraartarnermut tunngasuni aaqqissuusseqqinnissamut akuutinneqarnissamik kissaateqarnera, Naalackersuisut ammasumik Inatsisartunillu akuutitsisumik anguniagaqarnerannut naapertuuppoq.

Naligiinnerunermik anguniagaq angujumallugu aaqqissuusseqqinnermi suliniutissat aningaasanut inatsimmik suliaqarneq aqutugalugu aningaasalersugaassapput, minnerunngitsumillu ungasinnerusoq isigalugu aningaasaqarnikkut piujuartitsisuussallutik. Taamaammatt Aningaasaqarnermut Akileraartarnermullu Ataatsimiititaliap akileraartarnikkut aaqqissuusseqqinnermik suliamut siuarsaanermik politikikkut oqaloqatigiinnernut akuunissaa qilanaaraara.